

## PRIJEDLOG

Na osnovu člana 111. stav (2) i člana 168. stav (1) Poslovnika Skupštine Tuzlanskog kantona („Službene novine Tuzlanskog kantona“ br. 13/19 i 5/20), razmatrajući Izvještaj Zakonodavno-pravne komisije Skupštine Tuzlanskog kantona o davanju autentičnog tumačenja odredaba Zakona o visokom obrazovanju, Skupština Tuzlanskog kantona na sjednici održanoj 30.05.2024. godine, donosi

## ZAKLJUČAK

Skupština Tuzlanskog kantona cijeni da zahtjev za davanje autentičnog tumačenja člana 27. Zakona o visokom obrazovanju - prečišćeni tekst („Službene novine Tuzlanskog kantona“ br. 21/21, 22/21, 5/22, 11/22 i 16/22) nije osnovan, jer su odredbe Zakona precizne i jasne.

Skupština Tuzlanskog kantona prihvata Izvještaj Zakonodavno-pravne komisije broj: 02-02-142-5/24 od 27.05.2024. godine i stav iznesen u Mišljenju Ministarstva obrazovanja i nauke Tuzlanskog kantona broj: 10/1-34-011977/24 od 10.05.2024. godine, a koje je prihvaćeno i zaključkom Vlade Tuzlanskog kantona broj: 02/1-34-11977-1/24 od 14.05.2024. godine, i isto će biti dostavljeno podnosiocu zahtjeva.

Bosna i Hercegovina  
-Federacija Bosne i Hercegovine-  
TUZLANSKI KANTON  
Skupština

Broj: 01-02-142- /24  
Tuzla, \_\_\_\_ .2024. godine

Predsjednik  
Skupštine Tuzlanskog kantona

Žarko Vujović

Na osnovu člana 36. stav 1. tačka f) Poslovnika Skupštine Tuzlanskog kantona („Službene novine Tuzlanskog kantona“, br. 13/19 i 5/20) i člana 21. stav 4. Poslovnika o radu Zakonodavno-pravne komisije Skupštine Tuzlanskog kantona (broj: 02-02-667-4/03 od 24.11.2003. godine i broj: 02-02-667-7/03 od 02.04.2015. godine), Zakonodavno-pravna komisija održala je sjednicu 27.05.2024. godine, te Skupštini Tuzlanskog kantona podnosi

## IZVJEŠTAJ

Zakonodavno-pravna komisija Skupštine Tuzlanskog kantona je razmotrila zahtjev Ljekarske komore Tuzlanskog kantona za autentično tumačenje člana 27. Zakona o visokom obrazovanju - prečišćeni tekst („Službene novine Tuzlanskog kantona“ br. 21/21, 22/21, 5/22, 11/22 i 16/22) i Pravilnika o postupku akreditacije visokoškolskih ustanova i studijskih programa, te je prihvatila stav iznesen u Mišljenju Ministarstva obrazovanja i nauke Tuzlanskog kantona broj: 10/1-34-011977/24 od 10.05.2024. godine, a koje je prihvaćeno i Zaključkom Vlade Tuzlanskog kantona broj: 02/1-34-11977-1/24 od 14.05.2024. godine.

Komisija je ocijenila da nema osnova za davanje autentičnog tumačenja, jer su odredbe člana 27. Zakona o visokom obrazovanju - prečišćeni tekst („Službene novine Tuzlanskog kantona“ br. 21/21, 22/21, 5/22, 11/22 i 16/22) precizne i jasne.

Imajući u vidu izneseno, Zakonodavno-pravna komisija predlaže Skupštini Tuzlanskog kantona da prihvati ovaj izvještaj i podnosiocu zahtjeva za autentično tumačenje odredaba Zakona o visokom obrazovanju dostavi navedeno mišljenje Ministarstva obrazovanja i nauke Tuzlanskog kantona, u kojem je sadržan odgovor na postavljeno pitanje.

Bosna i Hercegovina  
-Federacija Bosne i Hercegovine-  
TUZLANSKI KANTON  
SKUPŠTINA  
- Zakonodavno-pravna komisija-  
Broj: 02-02-142-5/24  
Tuzla, 27.05.2024. godine



Predsjednica  
Zakonodavno-pravne komisije

Jasmina Lugavić

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
VLADA



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
ВЛАДА

BOSNIA AND HERZEGOVINA  
FEDERATION OF BOSNIA AND HERZEGOVINA  
TUZLA CANTON  
GOVERNMENT

TUZLA, Tel.: ++387(0)35 369 317 | 369 303; Fax: ++ 387 (0)35 369 306; Web site: www.vladatk.kim.ba; e-mail: vlada@tk.kim.ba

STINA TUZLANSKOG KANTONA  
TUZLA

PRIMLJENO		17.5.2024.	
Org. jed.	Klasif. oznaka	Redni broj	Br. priloga
02	02	142-4/24	4

ZAKONODAVNO – PRAVNA KOMISIJA  
SKUŠTINE TUZLANSKOG KANTONA

Broj: 02/3-34-11977-2/24  
Tuzla, 15.05.2024. godine

**PREDMET: Mišljenje, dostavlja se**

U prilogu akta dostavljamo Vam Mišljenje Ministarstva obrazovanja i nauke broj: 10/1-34-011977/24 od 10.05.2024. godine u vezi sa zahtjevom Ljekarske komore Tuzlanskog kantona za tumačenje člana 27. Zakona o visokom obrazovanju – prečišćeni tekst („Službene novine Tuzlanskog kantona“, br. 21/21, 22/21, 5/22, 11/22 i 16/22).

S poštovanjem,

**DOSTAVITI:**

- 1 x Zakonodavno – pravnoj komisiji  
Skupštine Tuzlanskog kantona
- 1 x Evidenciji
- 1 x a/a



**SEKRETAR VLADE**

Enver Čosićkić

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-34-11977-1/24  
Tuzla, 14.05.2024. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 14.05.2024. godine, donosi

**ZAKLJUČAK**

**I**

Prihvata se Mišljenje Ministarstva obrazovanja i nauke Tuzlanskog kantona, broj: 10/1-34-011977/24 od 10.05.2024. godine u vezi sa zahtjevom Ljekarske komore Tuzlanskog kantona za tumačenje člana 27. Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 22/21, 5/22, 11/22 i 16/22).

**II**

Mišljenje iz tačke I ovog Zaključka uputit će se Zakonodavno-pravnoj komisiji Skupštine Tuzlanskog kantona.

**DOSTAVITI:**

- 1 x Zakonodavno-pravnoj komisiji  
Skupštine Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a





Broj: 10/1-34-011977-24  
Tuzla, 10.05.2024. godine

**SKUPŠTINA TUZLANSKOG KANTONA**  
**Zakonodavno-pravna komisija**

**PREDMET:** Odgovor, dostavlja se,-

Veza: Vaš akt broj: 02-02-142-2/24 od 22.03.2024. godine

Aktom, broj i datum iz veze, a u skladu sa članom 167. Poslovnika o radu Skupštine Tuzlanskog kantona („Službene novine Tuzlanskog kantona“, broj: 13/19 i 5/20), tražili ste mišljenje od Ministarstva obrazovanja i nauke Tuzlanskog kantona u vezi sa zahtjevom za davanje autentičnog tumačenja člana 27. Zakona o visokom obrazovanju („Službene novine Tuzlanskog kantona“, broj: 21/21, 22/21, 5/22, 11/22 i 16/22, u daljem tekstu: Zakon) i Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22, u daljem tekstu: Pravilnik) na zahtjev Ljekarske komore Tuzlanskog kantona. U predmetnom zahtjevu Ljekarske komore Tuzlanskog kantona traženo je tumačenje člana 27. Zakona kao i Pravilnika, kako bi Ljekarska komora Tuzlanskog kantona u postupku po zahtjevu za izdavanje dozvole za rad (licence) Ljekarske komore Tuzlanskog kantona utvrdila da li se diplome stečene na Evropskom univerzitetu „Kallos“ Tuzla – studijski programi Medicina i Biomedicina i zdravstvo koji se izvode na Medicinskom fakultetu (integrisani studij I i II) te treći ciklus, nakon akademske 2022/2023. godine, imaju smatrati diplomama medicinskog fakulteta stečenim na akreditovanom univerzitetu u BiH?“.

Shodno navedenom dalje se sljedeći odgovor:

Odredbama člana 27. Zakona propisano je:

- (1) *Licencirana visokoškolska ustanova može početi izvoditi studijski program nakon što ga licencira.*
- (2) *Visokoškolska ustanova u postupku osnivanja mora licencirati svaki studijski program.*
- (3) *Licenciranje vrši Ministarstvo na zahtjev visokoškolske ustanove.*
- (4) *Ocjenu ispunjenosti kriterija za licenciranje studijskih programa provodi komisija od pet članova koju imenuje Ministarstvo na zahtjev licencirane visokoškolske ustanove, od kojih su najmanje tri istaknuti predstavnici akademske zajednice iz odgovarajuće naučno-nastavne odnosno umjetničko-nastavne oblasti, iz koje su predloženi studijski programi, i najmanje jedan član iz Ministarstva.*
- (5) *Licenciranjem se provjerava akademski sadržaj, relevantnost ishoda učenja za tržište rada, te kapacitet licencirane visokoškolske ustanove da provede predloženi studijski program, u skladu sa Standradima.*
- (6) *Na osnovu pozitivnog mišljenja komisije Ministarstvo izdaje licencu za izvođenje studijskog programa.*
- (7) *Licenca izdata u tekućoj akademskoj godini vrijedi za upis studenata u sljedećoj akademskoj godini.*

- (8) Licenca se izdaje na period od pet godina.
- (9) Ako je nakon izdavanja licence za njegovo izvođenje studijski program akreditovan, licenca iz stava (8) ovog člana produžava se dodatno i važi do isteka važenja akreditacije, na način koji se bliže uređuje propisom iz stava (13) ovog člana.
- (10) Na studijske programe kojima tokom trajanja akademske godine ističe licenca za izvođenje studijskog programa ne mogu se upisivati studenti do eventualnog pribavljanja licence sa novim periodom važenja.
- (11) Za potrebe informisanja javnosti, Ministarstvo na svojoj službenoj internet stranici objavljuje spisak studijskih programa koji se izvode od strane visokoškolskih ustanova koje djelatnost visokog obrazovanja obavljaju na području Kantona.
- (12) Prije uvođenja novog studijskog programa provodi se isti postupak vezano za licenciranje istog kao i prilikom osnivanja visokoškolske ustanove.
- (13) Sva pitanja koja se tiču licenciranja studijskih programa za sva tri ciklusa studija, a koja nisu uređena ovim zakonom, uredit će se posebnim propisom koji, na prijedlog Ministarstva, donosi Vlada Kantona.

Visokoškolskoj ustanovi Evropski univerzitet „Kallos“ Tuzla izdata je licenca za izvođenje studijskog programa Medicina integrisani prvi i drugi ciklus studija i studijskog programa Biomedicina i zdravstvo treći ciklusa studija, počevši od akademske 2017/18. godine, koja je istekla sa akademskom 2021/22. godinom. Navedena visokoškolska ustanova nema važeću licencu za izvođenje studijskog programa Medicina integrisani prvi i drugi ciklus studija i studijskog programa Biomedicina i zdravstvo trećeg ciklusa studija, počevši od akademske 2022/2023. godine.

Odredbama člana 27. stav (10) Zakona propisano je da se na studijske programe kojima tokom trajanja akademske godine ističe licenca za izvođenje studijskog programa ne mogu upisivati studenti do eventualnog pribavljanja licence sa novim periodom važenja, pri čemu navedenim članom visokoškolskoj ustanovi nije zabranjeno da izvodi nastavu i zatečenim studentima omogućiti završetak započetog školovanja.

Visokoškolskoj ustanovi Evropski univerzitet „Kallos“ Tuzla je izdato rješenje o akreditaciji ustanove u 2022. godini na period od pet godina.

Shodno navedenom, diplome stečene na Evropskom univerzitetu „Kallos“ Tuzla na medicinskom fakultetu nakon akademske 2022/2023. godine imaju se smatrati diplomama medicinskog fakulteta na akreditovanom univerzitetu u BiH.

Imajući u vidu naprijed navedeno, smatramo da u pogledu zahtjeva Ljekarske komore Tuzlanskog kantona, nema potrebe za davanjem autentičnog tumačenja člana 27. Zakona, obzirom da su odredbe navedenog člana jasne i precizne.

Također smatramo da su odredbe Pravilnika, kojeg je donio ministar obrazovanja i nauke Tuzlanskog kantona, u pogledu naprijed navedenog zahtjeva Ljekarske komore, jasne i precizne, te da nema potrebe za davanjem autentičnog tumačenja.

S poštovanjem,

**DOSTAVITI:**


**1 x Naslovu**

**1 x evidencija**

**1 x arhiva**

ED/AM



**MINISTAR**  
  
**dr. sci. Ahmed Omerović**



OPŠTINA TUZLANSKOG KANTONA  
TUZLA

PRIMLJENO 11. 03. 2024			
Org. jed.	Klasif. oznaka	Redni broj	Br. priloga
02	02	142-1/24	-

*Ljekarska komora Tuzlanskog kantona*  
*Medical Chamber of Tuzla Canton*

Tuzlanski kanton

Skupština Tuzlanskog kantona

Zakonodavno-pravna komisija

N/r predsjednice Jasmine Lugavić

Tuzla, 07.03.2024.

Broj: 320/24

**Predmet: Zahtjev za autentično tumačenja Zakona o visokom obrazovanju Tuzlanskog kantona (Sl.novine TK 21/21, 5/22, 11/22 i 16/22), kao i Pravilnika o postupku akreditacije visokoškolskih ustanova i studijskih programa, traži se**

Podsjećanja radi, Ljekarska komora Tuzlanskog kantona je stvarno i mjesno nadležna da izdaje dozvole za rad (licenca) doktorima medicine koji djelatnost svoje struke obavljaju na području Tuzlanskog kantona. Ljekarska komora Tuzlanskog kantona, postupak upisa u Registar i izdavanja dozvola za rad (licenca) provodi u skladu sa Pravilnikom o utvrđivanju zajedničkih kriterija za licenciranje članova Ljekarske/Liječničke komore FBiH i članova kantonalnih/županijskih ljekarskih/liječničkih komora. Istim je propisano slijedeće:

*„Ljekar/liječnik - državljan BiH, nakon položenog stručnog ispita, nadležnoj ljekarskoj/liječničkoj komori (član 4 - 7 Pravilnika) podnosi zahtjev za upis u registar, nakon čega mu Komora izdaje licencu.*

*Uz zahtjev ljekar/liječnik je dužan dostaviti: 1) ovjerenu fotokopiju diplome medicinskog fakulteta, stečenu na akreditovanom univerzitetu u BiH, odnosno rješenje o nostrifikaciji diplome stečene u inostranstvu.“*

Dana 01.02.2024. godine od strane Ministarstva obrazovanja i nauke Tuzlanskog kantona informisani smo o statusu licence i akreditacije Evropskog univerziteta „Kallos“ Tuzla na način da je „istome izdata licenca za izvođenje studijskog programa Medicina i Biomedicina i zdravstvo počevši od akademske 2017/2018. godine koja je istekla sa akademskom 2021/2022. godinom te da navedena visokoškolska ustanova **nema važeću licencu za izvođenje studijskih programa od akademske 2022/2023. godine**“. Istim aktom informisani smo i o statusu institucionalne akreditacije Evropskog univerziteta „Kallos“ Tuzla na način da je isti „akreditovan kao univerzitet od 16.08.2022. godine na period od pet godina“.

Dalje, uvidom u zakonska i podzakonska rješenja na osnovu kojih postupaju nadležne obrazovne vlasti i Agencija za razvoj visokog obrazovanja i osiguranje kvaliteta BiH prilikom provođenja postupka akreditacije, utvrđeno je da *“visokoškolska ustanova ispunjava uslove za provođenje postupka akreditacije ukoliko je licencirana i/ili registrirana u skladu sa zakonom ili podzakonskim aktom nadležne obrazovne vlasti”*.

**Dakle, ova odredba upućuje na zaključak da validnost licence predstavlja uslov i za validnost institucionalne akreditacije.**

Takođe, ukoliko je studijski program akreditovan, licenca se produžava dodatno i važi do isteka akreditacije. Međutim, Evropski univerzitet „Kallos“ Tuzla - studijski programi Medicina i Biomedicina i zdravstvo koji se izvode na Medicinskom fakultetu (integrisani studij) nisu akreditovani studijski programi.

Na osnovu svega izloženog, molimo Vas da nam date autentično tumačenje Zakona o visokom obrazovanju Tuzlanskog kantona (Sl.novine TK 21/21, 5/22, 11/22 i 16/22), tačnije autentično tumačenje člana 27. Zakona o visokom obrazovanju Tuzlanskog kantona, kao i Pravilnika o postupku akreditacije visokoškolskih ustanova i studijskih programa kako bi smo u postupku po zahtjevu za izdavanje dozvole za rad (licenca) Ljekarske komore Tuzlanskog



kantona utvrdili slijedeće činjenice: „Da li se diplome stečene na Evropskom univerzitetu „Kallos“ Tuzla - studijski programi Medicina i Biomedicina i zdravstvo koji se izvode na Medicinskom fakultetu (integrisani studij I i II) te treći ciklus, nakon akademske 2022/2023 godine, imaju smatrati diplomama medicinskog fakulteta stečenim na akreditovanom univerzitetu u BiH?“

  
Predsjednica Ljekarske komore TK  
Prof. dr. sc. Lejla Mešalić, dr. med. prim.

Dostavljeno:  
- naslovu  
- a/a

Kantonalni sud Tuzla U/I-125/99 PDV 209092850006 Identifikacioni 4209092850006 Porezni 03007782  
75000 Tuzla, Turalibegova 20, Telefon: +387 35 364 335; +387 35 364 336, e-mail: [info@ljktk.ba](mailto:info@ljktk.ba), [www.ljktk.ba](http://www.ljktk.ba),  
žiro račun: 1610250035390012 kod Raiffeisen Bank BiH dd